

Kristus Ialah Dia yang Memberi Kita Rehat

Bacaan Bible: Kej. 1:26, 31—2:2; Mat. 11:28-30; Kel. 31:12-17

- I. “Datanglah kepada-Ku, semua yang berjerih dan berbeban berat; Aku akan memberi kamu rehat. Pikullah kuk Aku padamu dan belajarliah daripada-Ku, kerana Aku lembut-halus dan rendah hati, maka kamu akan beroleh rehat untuk suknamu. Kerana kuk Aku mudah dan beban-Ku ringan”—Mat. 11:28-30:**
- A. Berjerih di sini bukan sahaja merujuk kepada jerih dalam usaha mematuhi perintah-perintah hukum dan regulasi keagamaan, tetapi juga kepada jerih dalam pergelutan ingin berjaya dalam apa jua kerja; sesiapa yang berjerih sedemikian selalu berbeban berat.
 - B. Selepas Tuan menyanjung puji Bapa, mengakui jalan Bapa dan mengisytiharkan ekonomi divin (ay. 25-27), Dia memanggil orang sedemikian agar datang kepada-Nya untuk beroleh rehat.
 - C. Rehat bukan sahaja menunjukkan dibebaskan daripada jerih dan beban di bawah hukum atau agama atau sebarang kerja atau tanggungjawab, tetapi juga menunjukkan damai sejahtera yang sempurna dan kepuasan yang penuh.
 - D. Memikul kuk Tuan bererti menerima kehendak Bapa; ini bukan diatur atau dikawal oleh sebarang kewajipan hukum atau agama, atau diperabdikan oleh sebarang kerja, tetapi didesak oleh kehendak Bapa.
 - E. Tuan menjalani kehidupan sedemikian, Dia tidak mengambil berat tentang apa jua kecuali kehendak Bapa-Nya (Yoh. 4:34; 5:30; 6:38); Dia tunduk sepenuhnya kepada kehendak Bapa (Mat. 26:39, 42); oleh itu, Dia meminta kita agar belajar daripada-Nya:
 - 1. Percayawan menyalin Tuan dalam roh mereka dengan memikul kuk-Nya—kehendak Tuhan—dan berjerih untuk ekonomi Tuhan menurut model-Nya—11:29a; 1 Ptr. 2:21.
 - 2. Tuan yang tunduk dan patuh kepada Bapa sepanjang hidup-Nya, telah memberi hayat-Nya yang tunduk dan patuh itu kepada kita—Flp. 2:5-11; Ibr. 5:7-9.
 - 3. Kristus ialah Tuhan-manusia pertama, dan kita ialah Tuhan-manusia yang banyak; kita harus belajar daripada-Nya dalam hal Dia tunduk sepenuhnya kepada Tuhan dan sama sekali mengambil Tuhan sebagai kepuasan-Nya.
 - 4. Tuhan sedang melakukan apa yang diperkenan di mata-Nya dalam kita menerusi Yesus Kristus agar kita dapat melakukan kehendak-Nya (13:20-21); Tuhan beroperasi dalam kita supaya kita berazam dan bekerja untuk kegirangan-Nya (Flp. 2:13).
 - F. Lembut-halus atau lemah lembut bermakna tidak melawan sebarang penentangan, dan rendah hati bermakna tidak memandang tinggi terhadap diri sendiri; dalam semua penentangan, Tuan adalah lembut-halus, dan dalam semua penolakan, Dia adalah rendah hati.
 - G. Dia tunduk sepenuhnya kepada kehendak Bapa-Nya, tidak ingin melakukan apa-apa untuk diri-Nya atau berharap untuk mendapatkan sesuatu untuk diri-Nya; oleh itu, tidak kira apa jua situasi, Dia mempunyai rehat dalam hati-Nya; Dia berpuas hati sepenuhnya dengan kehendak Bapa.
 - H. Rehat yang kita peroleh dengan memikul kuk Tuan dan belajar daripada-Nya adalah untuk sukma kita; ini merupakan rehat dalaman, bukan apa-apa yang bersifat luaran.
 - I. Kita belajar daripada Tuan menurut contoh-Nya, bukan melalui hayat alamiah kita tetapi melalui Dia yang merupakan hayat kita dalam kebangkitan—Ef. 4:20-21; 1 Ptr. 2:21.

- J. Kuk Tuan ialah kehendak Bapa dan beban-Nya ialah kerja untuk melaksanakan kehendak Bapa; kuk sedemikian adalah mudah, tidak pahit, dan beban sedemikian adalah ringan, tidak berat.
- K. Perkataan Yunani untuk *mudah* bermakna “sesuai untuk digunakan”; oleh itu, baik, ihsan, lemah lembut, sederhana, mudah, menyenangkan—berlawanan dengan keras, kasar, tajam, pahit.
- L. Jika kita memikul kuk Tuan (kehendak Bapa) pada kita dan belajar daripada-Nya, kita akan beroleh rehat untuk sukma kita; kuk ekonomi Tuhan adalah sebegini; segala-gala dalam ekonomi Tuhan bukan beban yang berat tetapi suatu kenikmatan.

II. Dalam Keluaran 31:12-17, selepas catatan yang panjang berkenaan pembinaan tempat huni Tuhan, terdapat ulangan perintah tentang mematuhi hari Sabat; menurut Kolose 2:16-17, Kristus ialah realiti rehat Sabat; Dialah kesempurnaan, rehat, ketenangan, dan kepuasan penuh—Ibr. 4:7-9; Yes. 30:15a:

- A. Kata-kata berkenaan hari Sabat diselitkan selepas perintah untuk kerja pembinaan tabernakal; ini menunjukkan bahawa Tuan memberitahu para pembina, yakni pekerja-pekerja, agar belajar bagaimana berehat bersama dengan-Nya semasa mereka bekerja untuk Dia.
- B. Jika kita hanya tahu bagaimana bekerja untuk Tuan tetapi tidak tahu bagaimana berehat bersama dengan-Nya, kita telah melanggar prinsip divin:
 - 1. Tuhan berehat pada hari ketujuh kerana Dia telah menyelesaikan kerja-Nya dan dipuaskan; kemuliaan Tuhan dimanifestasikan kerana manusia mempunyai imej-Nya, dan autoriti-Nya sudah hendak dilaksanakan untuk menundukkan musuh-Nya, Syaitan; selagi manusia mengekspresikan Tuhan dan menanggulangi musuh Tuhan, Tuhan akan dipuaskan dan dapat berehat—Kej. 1:26, 31—2:2.
 - 2. Kemudian, hari ketujuh diperingati sebagai hari Sabat (Kel. 20:8-11); hari ketujuh Tuhan ialah hari pertama manusia.
 - 3. Tuhan telah menyediakan segala-galanya untuk dinikmati manusia; setelah manusia dicipta, dia tidak menyertai kerja Tuhan; dia memasuki rehat Tuhan.
 - 4. Manusia dicipta bukan untuk bekerja, tetapi untuk dipuaskan dengan Tuhan dan berehat bersama dengan Tuhan (bd. Mat. 11:28-30); hari Sabat wujud untuk manusia, bukannya manusia untuk hari Sabat (Mrk. 2:27).
- C. Keluaran 31:17 berkata, “Dalam enam hari Yehova menjadikan langit dan bumi, dan pada hari ketujuh Dia berehat dan disegarkan semula”:
 - 1. Hari Sabat bukan sahaja rehat kepada Tuhan malah penyegaran bagi-Nya.
 - 2. Tuhan berehat selepas kerja penciptaan-Nya selesai; Dia memandang hasil kerja tangan-Nya, yakni syurga-syurga, bumi, dan benda-benda hidup, terutamanya manusia, lalu berkata, “Sangat baik”—Kej. 1:31.
 - 3. Tuhan disegarkan dengan adanya manusia; Tuhan mencipta manusia menurut imej-Nya dengan mempunyai roh supaya manusia dapat bersekutu dengan-Nya; oleh itu, manusia ialah penyegaran Tuhan—ay. 26; 2:7; bd. Yoh. 4:31-34.
 - 4. Sebelum Tuhan mencipta manusia, Dia adalah “bujang” (bd. Kej. 2:18, 22); Dia menginginkan manusia menerima-Nya, mengasihi-Nya, dipenuhi-Nya, dan mengekspresikan-Nya agar menjadi isteri-Nya (2 Kor. 11:2; Ef. 5:25); dalam keabadian akan datang, Tuhan akan ada isteri, iaitu Yerusalem Baru, yang digelar sebagai isteri Anak Domba (Wahi 21:9-10).
 - 5. Manusia bagaikan minuman yang menyegarkan untuk menghilangkan dahaga Tuhan serta memuaskannya; apabila Tuhan menamatkan kerja-Nya dan mula berehat, Dia ada manusia sebagai teman-Nya.
 - 6. Bagi Tuhan, hari ketujuh ialah hari rehat dan penyegaran; akan tetapi, bagi manusia, yakni teman Tuhan, hari rehat dan penyegaran ialah hari pertama; hari pertama manusia ialah hari kenikmatan.

- D. Tuhan tidak akan menuntut kita bekerja melainkan kita telah beroleh kenikmatan; inilah prinsip divin; selepas beroleh kenikmatan penuh bersama dengan-Nya dan terhadap-Nya, barulah kita dapat bekerja bersama dengan-Nya:
1. Jika kita tidak tahu bagaimana mempunyai kenikmatan bersama dengan Tuhan, bagaimana menikmati Tuhan sendiri, dan bagaimana dipenuhi Tuhan, kita tidak akan tahu bagaimana bekerja bersama dengan-Nya dan bersatu dengan-Nya dalam kerja divin-Nya; manusia menikmati apa yang telah disempurnakan Tuhan dalam kerja-Nya.
 2. Pada hari Pentakosta, para disipal dipenuhi Roh itu, ini bermakna bahawa mereka dipenuhi kenikmatan terhadap Tuan; oleh sebab mereka dipenuhi Roh itu, orang lain menyangka bahawa mereka mabuk dengan wain—Kis. 2:4a, 12-13.
 3. Sebenarnya, mereka dipenuhi kenikmatan terhadap wain syurgawi; hanya selepas mereka dipenuhi kenikmatan ini barulah mereka mula bekerja bersama dengan Tuhan dalam kesatuan dengan-Nya; Pentakosta ialah hari pertama minggu kelapan; oleh itu, berkenaan hari Pentakosta, kita melihat prinsip hari pertama.
 4. Bagi Tuhan, ini berkenaan bekerja dan berehat; bagi manusia, ini berkenaan berehat dan bekerja.
- E. Semasa melakukan kerja divin Tuhan untuk membina gereja, yang ditamsilkan oleh kerja membina tabernakal, kita harus mempunyai satu tanda yang menunjukkan bahawa kita ialah umat Tuhan dan kita memerlukan Dia; kemudian barulah kita dapat bekerja bukan sahaja untuk Tuhan, tetapi juga bersama-sama Tuhan dengan bersatu dengan Tuhan; Dia akan menjadi kekuatan kita untuk bekerja dan tenaga kita untuk berjehat:
1. Kita ialah umat Tuhan, dan kita harus mempunyai satu tanda yang menunjukkan bahawa kita memerlukan Dia menjadi kenikmatan, kekuatan, tenaga, dan segala-gala bagi kita supaya kita dapat bekerja untuk-Nya demi menghormati dan memuliakan-Nya.
 2. Hari Sabat bermakna: Sebelum kita bekerja untuk Tuhan, kita perlu menikmati Tuhan dan dipenuhi-Nya; Petrus memberitakan injil melalui pemenuhan secara dalaman oleh Tuhan, yakni pemenuhan secara dalaman oleh Roh itu; oleh itu, Petrus mempunyai satu tanda yang menunjukkan bahawa dia rakan sekerja Tuhan, dan pemberitaan injilnya ialah suatu penghormatan dan kemuliaan kepada Tuhan—ay. 14.
 3. Sebagai umat Tuhan, kita harus mempunyai satu tanda bahawa kita berehat bersama dengan Tuhan, menikmati Tuhan, dan dipenuhi Tuhan terlebih dahulu, kemudian barulah kita bekerja bersama dengan Dia yang memenuhi kita; selain itu, kita bukan sahaja bekerja bersama dengan Tuhan, tetapi kita juga bekerja sebagai orang yang bersatu dengan Tuhan.
 4. Semasa kita berbicara kepada umat Tuhan, kita harus sentiasa membawa satu tanda bahawa Tuan kita ialah kekuatan, tenaga, dan segala-gala bagi kita untuk meministerkan sabda—2 Kor. 13:3; Kis. 6:4.
- F. Mematuhi hari Sabat juga merupakan perjanjian atau waadah abadi yang memberi jaminan kepada Tuhan bahawa kita akan bersatu dengan-Nya dengan menikmati-Nya dan dipenuhi-Nya terlebih dahulu, kemudian barulah kita bekerja untuk-Nya, bersama dengan-Nya, dan dalam kesatuan dengan-Nya—Kel. 31:16:
1. Bekerja untuk Tuan melalui diri kita tanpa menerima-Nya dan menikmati-Nya dengan minum dan makan Dia ialah suatu perkara yang serius—bd. 1 Kor. 12:13; Yoh. 6:57.
 2. Semasa Petrus berbicara pada hari Pentakosta, dia berbahagian dalam Yesus secara dalaman, minum dan makan-Nya.
- G. Hari Sabat juga merupakan hal pengudusan (Kel. 31:13); apabila kita menikmati Tuan lalu bekerja bersama dengan-Nya, untuk-Nya, dan bekerja dengan bersatu

dengan-Nya, secara spontan kita dikuduskan, diasingkan kepada Tuhan daripada segala-gala yang umum serta ditepui Tuhan agar Tuhan menggantikan segala-gala yang bersifat daging dan alamiah.

- H. Dalam kehidupan gereja, kita mungkin melakukan banyak perkara tanpa menikmati Tuan terlebih dahulu, dan melayani Tuan tanpa bersatu dengan-Nya; pelayanan sedemikian mengakibatkan kematian rohani dan kehilangan persekutuan dalam Tubuh (ay. 14-15).
- I. Segala-gala yang berkaitan dengan tempat huni Tuhan membawa kita kepada satu perkara—hari Sabat Tuan berserta rehat dan penyegarannya; dalam kehidupan gereja kita berada dalam tabernakal, dan tabernakal membawa kita kepada rehat, kepada kenikmatan terhadap apa yang ditetapkan Tuhan dan apa yang disempurnakan-Nya!
- J. Kerja membina tabernakal dan semua perabotnya (mentamsilkan kerja Tuan membina gereja) harus bermula dengan kenikmatan terhadap Tuhan dan berte-rusan dengan adanya waktu-waktu tertentu untuk disegarkan dengan menikmati Tuhan; ini menunjukkan bahawa kita tidak bekerja untuk Tuhan dengan kekuatan kita sendiri, tetapi dengan menikmati-Nya dan bersatu dengan-Nya; inilah maksud mematuhi prinsip hari Sabat dengan mengambil Kristus sebagai rehat dalaman dalam roh kita.